

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj:7/10), a u vezi sa članom 112. stav 1. Poslovnika Skupštine Zeničko-dobojskog kantona – Treći prečišćeni tekst ("Službene novine Zeničko-dobojskog kantona", broj: 14/18, 18/18-Isp., 7/19 i 7/20), razmatrajući Inicijativu Općinskog vijeća Zavidovići, podnesenu aktom predsjedavajuće Općinskog vijeća Zavidovići broj 01-19-382/21-AP-7 od 11.03.2021.godine, za donošenje Odluke o izmjeni Odluke o legalizaciji bespravno izgrađenih građevina i bespravnih zahvata ("Službene novine Zeničko-dobojskog kantona", broj 18/19), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 103. sjednici, održanoj dana 22.04.2021. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona o Inicijativi Općinskog vijeća Zavidovići, podnesenoj aktom predsjedavajuće Općinskog vijeća Zavidovići broj 01-19-382/21-AP-7 od 11.03.2021.godine, za donošenje Odluke o izmjeni Odluke o legalizaciji bespravno izgrađenih građevina i bespravnih zahvata ("Službene novine Zeničko-dobojskog kantona", broj 18/19).

II.

Zaključak sa Mišljenjem iz tačke I. upućuju se u dalju skupštinsku proceduru.

III.

Zaključak stupa na snagu danom donošenja.

**PREMIJER
po ovlaštenju**

Spahija Kozlić

Broj: 02-_____ /21

Datum, 22.04.2021. godine

Zenica

DOSTAVLJENO:

1x Ministarstvo za prostorno uređenje, promet i komunikacije
i zaštitu okoline,

1x Stručna služba Skupštine,

1x a/a.

Na osnovu člana 112. stav 1. Poslovnika Skupštine Zeničko-dobojskog kantona – Treći prečišćeni tekst (“Službene novine Zeničko-dobojskog kantona”, broj: 14/18, 18/18-Isp., 7/19 i 7/20), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje:

MIŠLJENJE

Općinsko vijeće Zavidovići podnijelo je Inicijativu, putem akta predsjedavajuće Općinskog vijeća broj 01-19-382/21-AP-7 od 11.03.2021.godine, za donošenje Odluke o izmjeni Odluke o legalizaciji bespravno izgrađenih građevina i bespravnih zahvata (“Službene novine Zeničko-dobojskog kantona”, broj 18/19), odnosno da se produži rok za podnošenje zahtjeva za legalizaciju, tako što će se u članu 8. stav (2) Odluke riječ „dvije“ zamijeniti sa riječju „tri“ godine od dana stupanja na snagu ove Odluke.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona (u daljem tekstu Ministarstvo) prihvata podnesenu Inicijativu Općinskog vijeća Zavidovići iz slijedećih razloga:

Odluka o legalizaciji bespravno izgrađenih građevina i bespravnih zahvata (“Službene novine Zeničko-dobojskog kantona”, broj 18/19) stupila je na snagu 15.10.2019.godine. Shodno članu 8. stav (2) navedene Odluke poslije 15.10.2021.godine gubi se pravo podnošenja zahtjeva za legalizaciju. Članom 9. Odluke propisana je neophodna dokumentacija koja se prilaže uz zahtjev za legalizaciju, a članom 10. Odluke propisan je rok za donošenje rješenja o legalizaciji od nadležnog Ministarstva ili Službe.

Imajući u vidu da se postupak legalizacije provodi na osnovu odredbi ove Odluke, Zakona o prostornom uređenju i građenju Zeničko-dobojskog kantona i Zakona o upravnom postupku, i da za nadležne Službe predstavlja obiman i odgovoran posao s obzirom na broj zahtjeva i nedostatak kadra, kao i da bi istekom roka iz člana 8. stav (2) Odluke bilo onemogućeno velikom broju zainteresovanih građana pravo na podnošenje zahtjeva za legalizaciju, Ministarstvo smatra da je podnesena Inicijativa za produženje roka osnovana, a imajući u vidu i činjenicu da je u proteklom periodu radno vrijeme nadležnih Službi i rad sa strankama bio ograničen zbog stanja izazvanog pandemijom koronavirusa Covid 19.

Zbog svega naprijed navedenog predlažemo da Vlada Kantona prihvati Mišljenje Ministarstva.

MINISTAR:

Arnel Isak